

Euro Business

Poslovni magazin EEN mreže u Bosni i Hercegovini
Broj 2



Sretna i
uspješna
Nova
2010. godina

- 100-godišnjica postojanja i rada Vanjskotrgovinske komore BiH
- Pripremaju se konsultacije sa domaćim proizvođačima o CE označavanju
- U Zenici promovirana EEN mreža u BiH
- EICC i ECOS nastavljaju obuke o pisanju EU projekata



UNIVERZITET U ZENICI

50 GODINA POSTOJANJA VISOKOŠKOLSKOG OBRAZOVANJA U ZENICI

Fakultet za metalurgiju i materijale i visoko obrazovanje u Zenici u oktobru 2009. godine proslavio je pedesetogodišnjicu postojanja. Kao prva visokoobrazovna institucija u Zenici ovaj fakultet je dao doprinos početku razvoja visokoškolskog obrazovanja u ovom gradu.

Fakultet za metalurgiju i materijale je osnovan 1959. kao Visoka tehnička škola metalurške struke, koja 1961. godine prerasta u Metalurški fakultet Univerziteta u Sarajevu.

Član Univerziteta u Zenici je od dana njegovog osnivanja, oktobra 2000. godine.

Prvi zadatak Metalurškog fakulteta je bio obrazovanje metalurških inženjera za potrebe

Željezare Zenica koja je izgrađena daleke 1892. godine. 1964. godine na Fakultetu je uveden smjer za ljevarstvo a 1969.g. i smjer za obojenu metalurgiju. Ovi smjerovi prerastaju u odsjeke. U akademskoj 1989./90. uvodi se novi odsjek Metalni materijali a u 1998./1999. godini odsjek za nemetalne materijale i Fakultet mijenja ime u Fakultet za metalurgiju i materijale.

Akadske 2006./2007. godine uveden je Odsjek za hemiju sa smjerom hemijsko inženjerstvo.

Od osnivanja do danas na Fakultetu je ukupno diplomiralo 1154 studenta. Naučni stepen magistra je steklo 50 kandidata i 35 kandidata je steklo naučni stepen doktora nauka.

Jubilej 50-godišnjice je obilježen uz niz pratnih manifestacija kao što su:

- Okrugli sto na temu „Transformacija visokog obrazovanja u zemljama Regiona u skladu sa Bolonjskom deklaracijom-dosadašnje aktivnosti, osvrt na dobijene rezultate, pozitivna i negativna iskustva“,
- promocija doktora nauka,
- promocija studenata i magistranata
- svečana akademija na kojoj su dodijeljena brojna priznanja.



AKREDITOVANI LABORATORIJI – međulaboratorijska poređenja -

Metalurški institut „Kemal Kapetanović“ Zenica, Univerziteta u Zenici ima opremljene laboratorije koje su akreditovane i na taj način potvrđuju svoju opremljenost, kvalitet i stručnost.

Biti akreditovan znači ispunjavati sve zahtjeve određenih standarda te imati neprestanu kontrolu od strane Tijela za akreditaciju. Zadovoljiti uslove standarda između ostalog znači da treba vršiti i stalna međulaboratorijska poređenja rezultata čime se direktno može vidjeti da li laboratorij dovoljno „bdi“ nad svim preduslovima za tačne rezultate. Metalurški institut vrši kontinuirana međulaboratorijska poređenja sa odgovarajućim laboratorijima iz institucija širom Regije pa i svijeta, te neprekidno educira kadrove iz ove oblasti.

U Vrnjačkoj Banji u oktobru 2009. godine je održano XV Savjetovanje o međulaboratorijskim ispitivanjima materijala, u organizaciji Komiteta za međulaboratorijska ispitivanja materijala u Beogradu. Savjetovanje je obuhvatilo rad Metalurške i Hemijske sekcije, te predavanje iz oblasti sistema kvaliteta (Interno obezbjeđenje povjerenja u kvalitet rezultata laboratorijskih ispitivanja). Institut je prepoznao značaj ovog savjetovanja te su predstavnici akreditovanih laboratorija Instituta uzeli aktivno učešće na ovom skupu.

U ZENICI PROMOVIRANA EEN MREŽA U BIH

Metalurški institut "Kemal Kapetanović" Zenica Univerziteta u Zenici 20. novembra 2009. godine organizovao je informativni skup pod nazivom "Informativni događaj na promociji Evropske poduzetničke mreže BiH i uloga Metalurškog Instituta "Kemal Kapetanović" Zenica.

Cilj skupa je bio infor-

misanje javnosti i privrednika o Evropskoj poduzetničkoj mreži Bosne i Hercegovine, njenoj ulozi i načinima na koje potencijalni korisnici mogu doći do informacija o EU projektima, potencijalnim partnerima u zemlji i EU a i šire, te odgovora na niz drugih pitanja. Prisutni su na ovom skupu mogli čuti nešto više i o ulozi Metalurškog instituta "Kemal Kapetanović" Zenica Univerziteta u Zenici – kao jednog od partnera u ovom projektu. O ovom projektu kojeg je prošle godine u okviru CIP pro-

grama za konkurentnost i inovacije pokrenula Evropska komisija, govorili su prof.dr. Sabahudin Ekinović, Rektor Univerziteta u Zenici, prof. dr. Mirsada Oruč, direktor Metalurškog instituta, mr. Senad Hromić, direktor EICC iz Vanjskotrgovinske komore BiH, te Neira Delić, stručni saradnik iz Metalurškog instituta.

Promociji su prisustvovali predstavnici Univerziteta, Privredne komore i malih i srednjih preduzeća iz regije.

